

Te Tavana Pope

matabiti pae.

MAHANA 28 NO TIUNU 1855.

Numera 26.

aa ata'toa, e ere te Tavana
te haava, o tei hinar i te
toe hohoa o teieei *vea*, au-
e umai ia e 3 farane no na
vea e toru.

TE VEA NO TAHITI,

a a au mai ia Tepito te ne-
ei parau i Papeete.

Ei haaparare raa i te parau rii api e faufaa hia i to
te mau fenuai roto Hau Tamaru; e neia i te mau mahana maha loa

O te feia hoo taoa, e te mau
taata e haapao i te tau raa
taoa hia ta ratou mau pa-
rau faaite i roto i rei no
Vea. ia aufau mai ratou 4
farane no te reni hoe.

Faaau mai ia Tepito te neu
nei parau.

PAEAU PARAU NO TE HAU.

FAATOROA RAA.

No te faatia raa a tona hanahana Pomare, te Arii vahine o te
mau fenua Totaiete, e te Tavana, te Auvaha o te Emepera.

Ua faatoroa hia o Poia, ei mutoi no te matacinaa ra o Afahiti
ei mono ia Maiotui, tei faaore hia te toroa.

E aufau te Tavana te Auvaha o te Emepera na teienei taata
toroa, ei utua no tona toroa i na farane hoe hanere e piti ahuru
i te matahiti hoe.

E papai hia te hohoa no teienei parau toroa, i te hiopoa raa,
e i te fare toroa no te auvaha o te Tavana.

Papeete, te 26 no Tiunu 1855.

Te Arii vahine no te mau
fenua Totaiete,

Te Tomana, te mono o te

Tavana, te Auvaha o

te Emepera,

Papaihia : ROY.

Papaihia : POMARE.

PARAU FAAITE I TE MAU HAAVA.

A rau aenei tou papai raa'itu i te vetahi tau
haava i Tahiti e raa'itu ia ratou, o ratou aore i
haapao maitai i te vahi i faaue hia'itu e au ia ra-
tou, maori ra te haapao papu i te utua i tuu hia
i nia i te taata no te taero ava, oia hoi 15 maha-
na i te rave raa i te ohipa; aita tei reira i haapao
hia, te hio nei hoi au e, ua mono hia tei reira i
te utua moni, oia hoi e *hitu* Dara e te *afa*.

E raverahi te ratou e vai nei i roto i teienei fa-
re toroa, o tei pari uana i te mau haava, o ratou,
aore i haapao papu i te Ture i te tuu raa i te u-
tua i nia i te feia hara. — Ei faaore raa ra i tei
reira mau vahi i ino, o tei tupu faahou aenei i
Papara, te faaite atu nei au i te mau haava'toa
no Tahiti nei e Moorea'toa hoi, e ua faaue hia
mai au e te Tavana e faaite atu ia ra tou e, i o-
re ratou i haapao papu i te Ture ra, e ore roa'itu
ia ta ratou haapao raa e faatia hia, e e faautua'-
toa hia hoi ratou.

Teie hoi i te Ture no taua hara ra. Ture V. I-
rava 4, « I roohia noa hia i te taata i te taero
raa i te ava, e haava hia oia, e e faautua hia, te-
ie tana i utua, 15 mahana i te rave raa i te ohi-
pa na te hau, ma te haapao ore i te huru o te a-

va i taero ai oia. E vahine tei haava hia ra, tei
tana utua, hoe umi ahu maohi, e aore ra, hoe
umi pia. »

Itea maitai hia tura e o te ohipa tei titau hia,
e ere te moni.

I hinaaro tei faautua hia i te mono i tana utua

ohipa i te utua moni ra, e tia noa ia iana te na
reira, e mata na ra oia i te haere atu i te haava
matacinaa ra, e nana e ani mai i te Tavana, e tei
iana tura te faatia, tu i tona hinnaro, ma te au i
te faaue raa no te mahana 23 no Febuare 1855.

Te ao atoa hia'itu nei te mau haava i te hoe
vahi e, maori ra hoi, no te titau raa utua. Ua i
tea hia aenei hoi e, ia ahcre te mutoi e te Imi-
roa e titau haere i te utua ra, e ore atura ratou
e haapao maitai i te taoa a te taata i faautua hia,
e haru noa ra ratou i ta te fetii. Ua faaue mai
ra te Ture XIX, e te Irava 5, e eiaha e na reira.
Teie atoa hoi te hoe vahi: ia haru hia te taoa a
taua feia i faautua hia ra, te hoo noa hia nei ia
no te moni rii haihai roa, e aore roa'itu i haapao
noa hia e te hoo mau. Ua ite noa ra hoi outou e
e ore te moni rahi e roaa i roto i te mau ma tai
einaa na.

PARAU FAAITE.

Te faaite hia'itu nei te feia toroa'toa no Tahiti e Moorea, e ei
te mahana hoe no Tiurai nei, e aufau hia'itu ai ta ratou moni to-
roa no na avae ra o Eperera, Mee o Tiunu.

Ia ore ra ia tupu noa' e te peapea, i te aufau raa i taua moni
toroa ra, mai teie i te muri nei te huru o te aufau raa.

O to Pare, te Arue, e to Haapape ra, ei te monire ia, te maha-
na piti no Tiurai.

To Papenoo, Tiarei e Mahaena ra, ei te mahana piti ia, te to-
ru no Tiurai.

To Faaa, Punaauia e Paca ra, ei te mahana maha ia, te pae no
rai.

To Papara, Atimaono e Papeuriri, ei te faraire ia, te ono no
Tiurai.

Na M. Darling, oia hoi Roometua, e aufeu i ta to Hitiaa, to
Vairari, e ta to Tairapu, ei Taravao aufau ai, mai te mea ra

e, aore ra o Roometua i reira, na te raatira faehau ia e aufau.

O to Moorea ra ra, ei te fare toroa o te pae Tahiti ia aufau
hia'itu ta ratou moni; o to Maatea, to Haumi, Afareaitu, Teava-

ro e Teaharoa ra, ei te monire ia, te 9 no Tiurai;

To Papetoai, moruu, Varari Haapiti e Atimaha ra ei te maha-
na piti ia te 10 no Tiurai.

Te auvaha no te Tavana : ATAMU.